



P R A E F A T I O.



*N*ihil mirari oportet, si pro sedibus malè affectis dignoscendis Galenus plura tribuerit signa, quàm pro ipsis affectibus contra naturam. quandoquidem pauci sunt huiusmodi affectus humani corporis, qui non simul sedem malè affectam significant. Sedium autem malè affectarum signa quinque, affectuum verò duntaxat quatuor ipse statuit, libro de locis affectis primo. Atque sedium malè affectarum primum signum à functione laesa, secundum ab excrementis, tertium à situ, quartum à doloris proprietate, quintum à propriis accidentibus depromitur. Primum verò affectuum præter naturam ab excrementorum specie, secundum à natura loci, tertium à doloris proprietate, quartum & ultimum à propriis accidentibus sumitur. Quæ omnia non singulis sedibus malè affectis, nec earum affectibus præter naturam conveniunt, sed ea duntaxat & præcipuè quæ propria sunt, & inseparabilia. Etenim signorum insalubrium, tum parvum malè affectarum, tum ipsorum affectuum quædam communia: & quædam propria sunt. Eis omnibus signis, quæ à Galeno nobis tradita sunt, & præsertim propriis accidentibus partium malè affectarum, & affectuum primas & secundas sensiles qualitates, at-

Ex Gal.

Sedium signa

Affectuum signa